



Broj: UP1-06-16-4-18-19/15

Datum: 30.11.2015. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 100. stav (3) Zakona o javnim nabavkama („Službeni glasnik BiH, br. 39/14), te člana 12. stav (1) tačka h) Pravilnika o internim procedurama i postupcima nabavke roba, usluga i radova u Uredu koordinatora za reformu javne uprave pri Uredu predsjedavajućeg Vijeća ministara Bosne i Hercegovine broj: 01-02-2-38-1/15 od 24.02.2015. godine, postupajući po žalbi „HIFA-PETROL“ d.o.o. Vogošća izjavljenoj na Odluku o izboru najpovoljnijeg ponuđača za nabavku roba - goriva za službena vozila i lož ulja za potrebe grijanja broj: UP1-06-16-4-18-14/15 od 19.11.2015. godine, po objavljenom Obavještenju o javnoj nabavci broj: 1438-7-1-22-3-8/15 od 27.10.2015. godine i ispravka obavještenja o nabavci broj: 1438-7-1-22-3-9/15 od 02.11.2015. godine, Koordinator za reformu javne uprave u BiH donosi

## ODLUKU

### o izmjeni Odluke o izboru najpovoljnijeg ponuđača za nabavku roba - goriva za službena vozila i lož ulja za potrebe grijanja

#### Član 1.

Mijenja se Odluka o izboru najpovoljnijeg ponuđača za nabavku roba - goriva za službena vozila i lož ulja za potrebe grijanja broj: UP1-06-16-4-18-14/15 od 19.11.2015. godine u dijelu koji se odnosi na LOT 1: gorivo za službena vozila, na način da:

- a) u članu 1. se riječi: „**PETROL BH OIL Company**“ d.o.o. Sarajevo, ponuda broj: 46-AR/15 od 11.11.2015. godine“ mijenjaju riječima: „**HIFA-PETROL**“ d.o.o. Vogošća, ponuda broj: JN-3146/15 od 30.10.2015. godine.“;
- b) u članu 2. se broj: „**7.371,00**“ mijenja brojem: „**8.449,92**“.

#### Član 2.

Ostale odredbe odluke iz člana 1. ove Odluke ostaju nepromijenjene.

#### Član 3.

Ova odluka dostavlja se ponuđačima koji su učestvovali u postupku nabavke za LOT 1 u roku utvrđenom članom 100. stav (4) Zakona o javnim nabavkama („Službeni glasnik BiH, br. 39/14).



#### Član 4.

Istovremeno s upućivanjem ponuđačima ova Odluka će se objaviti na web stranici Ureda koordinatora za reformu javne uprave u skladu sa članom 70. stav (6) Zakona o javnim nabavkama.

#### Član 5.

Protiv ove Odluke dozvoljena je žalba u roku od pet dana od dana prijema iste.

#### Obrazloženje

Po provedenom postupku javne nabavke putem konkurentskog zahtjeva za dostavljanje ponuda objavljenom na portalu javnih nabavki, Obavještenje o javnoj nabavci broj: 1438-7-1-22-3-8/15 od 27.10.2015. godine i ispravka obavještenja o nabavci broj 1438-7-1-22-3-9/15 od 02.11.2015. godine, Kancelarija koordinatora za reformu javne uprave (u daljem tekstu: Kancelarija koordinatora) je Odlukom o izboru najpovoljnijeg ponuđača za nabavku roba - goriva za službena vozila i lož ulja za potrebe grijanja broj: UP1-06-16-4-18-14/15 od 19.11.2015. godine prihvatila ponudu „PETROL BH OIL Company“ d.o.o. Sarajevo za LOT 1: gorivo za službena vozila sa najnižom cijenom tehnički prihvatljive ponude u ukupnom iznosu ponude od 7.371,00 KM sa PDV-om i ponudu „HIFA-PETROL“ d.o.o. Vogošća za LOT 2: lož ulje za potrebe grijanja sa najnižom cijenom tehnički prihvatljive ponude u ukupnom iznosu ponude od 8.248,50 KM sa PDV-om.

Protiv navedene Odluke, učesnik u postupku javne nabavke „HIFA-PETROL“ d.o.o. Vogošća (u daljem tekstu: žalitelj) je dana 24.11.2015. god. izjavio žalbu u pogledu dodjele ugovora ponuđaču „PETROL BH OIL Company“ d.o.o. Sarajevo (LOT 1: gorivo za službena vozila), a nakon izvršenog uvida u ponude od strane ovlaštenog lica ponuđača dana 24.11.2015. god. u 13:00 sati.

Kancelarija koordinatora je postupila u skladu sa članom 100. stav (1) Zakona o javnim nabavkama i utvrdila da je žalba žalitelja (broj žalbe: JN-3469/15 od 24.11.2015. god) blagovremena, dopuštena i izjavljena od ovlaštenog lica.

Žalitelj u žalbi navodi:

1. Ponuđač „**PETROL BH OIL Company**“ d.o.o. Sarajevo je u svojoj ponudi u Izjavi ponuđača u tački 6. naveo:

“Ova ponuda važi 60 dana (šezdeset dana) [minimalno 60 (šezdeset) dana] (broj dana ili mjeseci se upisuju i brojčano i slovima, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, tj. do [13/11/2015. godine].”

Ugovorni organ je tačkom 5.5.tenderske dokumentacije propisao da ponude moraju važiti 60 (šezdeset) dana računajući od isteka roka za podnošenje ponude. Dakle, Ugovorni organ je propisao rok važenja ponude i ponuđači ne mogu ponuditi rok kraći od roka koji je propisan tenderskom dokumentacijom. Odnosno, ukoliko se ponudi kraći rok od zahtjevanog ponuda ponuđača nije validna kako je i propisano članom 60. Stav 1. Zakona o javnim nabavkama BiH. Navedenim članom je propisano: „*Period važenja ne može biti kraći od roka navedenog u tenderskoj dokumentaciji.*”

Ponuđač „**PETROL BH OIL Company**“ d.o.o. Sarajevo je u izjavi naveo rok važenja ponude do 13.11.2015. godine. Međutim rok od 60 dana se računa od isteka roka za podnošenje ponude. Krajnji rok za podnošenje ponuda je bio 13.11.2015. godine, dakle rok od 60 dana se računa od 13.11.2015. godine, a ne do 13.11.2015. godine kako je to naveo

ponuđač „PETROL BH OIL Company“ d.o.o. Sarajevo. Odnosno rok važenja ponude ističe 12.01.2016. godine. Obaveza ponuđača „PETROL BH OIL Company“ d.o.o. Sarajevo je bila da u Izjavi ponuđača navede datum do kojeg važi opcija ponude (12.01.2016. godine), a ne datum od kojeg važi ponuda (13.11.2015. godine).

2. Ponuđač „PETROL BH OIL Company“ d.o.o. Sarajevo je izjave po članu 45. i 52. Zakona dostavljene uz ponudu potpisao faksimilom, a ne vlastoručno. Nadležni organ koji vrši ovjeru potpisa je dužan utvrditi identitet potpisnika, te je potpisnik obavezan dokument koji ovjerava svojeručno potpisati pred ovlaštenim licima nadležnog organa koji ovjerava potpis. Iz navedenog je vidljivo da se takve izjave moraju potpisati svojeručno, a ne faksimilom kako je u konkretnom slučaju postupilo ovlašteno lice ponuđača „PETROL BH OIL Company“ d.o.o. Sarajevo.
3. Prilikom uvida u ponudu nije primijećeno da je ponuđač „PETROL BH OIL Company“ d.o.o. Sarajevo dostavio dokaz u skladu sa tačkom 3.1 tenderske dokumentacije pod e). Navedenom tačkom tenderske dokumentacije je propisano da su ponuđači obavezni dostaviti kao dokaz *Ovjerenu pečatom i potpisanu izjavu ponuđača o usklađenosti ponuđenih roba – goriva i lož ulja sa standardima kvaliteta koji se primjenjuju u BiH (original ili ovjerena kopija)*. Međutim ponuđač „PETROL BH OIL Company“ d.o.o. Sarajevo nije dostavio traženi dokaz u svojoj ponudi.
4. Ponuđač „PETROL BH OIL Company“ d.o.o. Sarajevo nije numerisao svoju ponudu kako je propisano **Izmjenom tenderske dokumentacije**. Naime, Izmjenom tenderske dokumentacije broj UP1-06-16-4-18-7/15 od 02.11.2015. godine u tački 5.2 je propisano: *“Ponuda mora biti čvrsto uvezana i sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude (Sl.glasnik BiH 90/14).”* Iz citirane tačke izmjene tenderske dokumentacije proizilazi da je obaveza ponuđača „PETROL BH OIL Company“ d.o.o. Sarajevo bila da numeriše stranice ili listove ponude što isti nije učinio.

Nakon što je razmotrila žalbu u skladu sa članom 100. stav (3) Zakona o javnim nabavkama, Kancelarija koordinatora je utvrdila:

Ad 1: U obrascu za ponudu ponuđača „PETROL BH OIL Company“ d.o.o. Sarajevo u tački 6. navedeno je:

“Ova ponuda važi 60 dana (šezdeset dana) [minimalno 60 (šezdeset) dana] (broj dana ili mjeseci se upisuju i brojčano i slovima, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, tj. do [13/11/2015. godine].”

Utvrđeno je da je u obrascu naveden period važenja ponude u skladu sa zahtjevom iz tačke 5.5 tenderske dokumentacije, odnosno da ponuda važi 60 (šezdeset) dana od isteka roka za podnošenje ponude. Vezano za datum naveden u zagradi kojeg žalitelj osporava, utvrđeno je da se radi o očiglednoj grešci ponuđača, te je s obzirom na navedeno utvrđeno da je žalbeni navod **neosnovan**.

Ad 2: Uvidom u ponudu ponuđača „PETROL BH OIL Company“ d.o.o. Sarajevo utvrđeno je da su kao dokazi dostavljene izjave iz Priloga 5. i Priloga 6. tenderske dokumentacije kako je traženo tačkom 3.1 b) i 3.1 c) tenderske dokumentacije, odnosno da su navedene izjave popunjene, potpisane i ovjerene pečatom, te ovjerene kod organa nadležnog za ovjeru dokumenata (opština, notar ili drugi organ nadležan za ovjeru potpisa). Tenderskom dokumentacijom i Zakonom o javnim nabavkama nije propisano da navedene izjave moraju biti potpisane svojeručno, te ugovorni organ ne ulazi u način ovjere traženih dokumenata od strane organa nadležnog za ovjeru. S obzirom da su predmetne izjave dostavljene u formi i na način propisan tenderskom dokumentacijom, utvrđeno je da je žalbeni navod u ovom pogledu **neosnovan**.

Ad 3: Uvidom u ponudu ponuđača „PETROL BH OIL Company“ d.o.o. Sarajevo utvrđeno je da je kao dokaz tražen tačkom 3.1 e) tenderske dokumentacije dostavljena Izjava o preferencijalnom tretmanu i o usklađenosti sa standardima kvaliteta. Dostavljena izjava je potpisana i ovjerena pečatom u skladu sa zahtjevom iz tenderske dokumentacije, te je utvrđeno da je u ovom pogledu žalbeni navod **neosnovan**.

Ad 4: Uvidom u ponudu ponuđača „PETROL BH OIL Company“ d.o.o. Sarajevo utvrđeno je da ponuda nije numerisana kako je traženo tačkom 5.2 tenderske dokumentacije, te da je žalbeni navod u ovom pogledu **osnovan**.

S obzirom na navedeno, ponuda ponuđača „PETROL BH OIL Company“ d.o.o. Sarajevo se **odbacuje** u skladu sa članom 68. stav (4) tačka i) Zakona o javnim nabavkama, te se ugovor dodjeljuje ponuđaču „HIFA-PETROL“ d.o.o. Vogošća sa najnižom cijenom prihvatljive ponude, u ukupnom iznosu od **8.449,92 KM** sa PDV-om, shodno članu 89. Zakona o javnim nabavkama i tački 7. tenderske dokumentacije.



Na osnovu svega izloženog, odlučeno je da se Odluka o izboru najpovoljnijeg ponuđača za nabavku roba - goriva za službena vozila i lož ulja za potrebe grijanja izmjeni kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Kancelarije koordinatora za reformu javne uprave u roku od pet dana od dana prijema ove Odluke.

Koordinator za reformu javne uprave

Dr Dragan Ćuzulan



Dostavljeno:

1. Ponuđačima koji su dostavili ponudu za LOT 1
2. Kopija članovima i sekretaru Komisije za nabavku
3. a/a